

Broj: 09-14-3047-11-15/15
Sarajevo, 22.10.2015. godine

Na temelju člana 69. stav 2. tačka d), člana 70. st. 1, 4 i 6. Zakona o javnim nabavkama Bosne i Hercegovine ("Službeni glasnik BiH", broj 39/14 od 19.05.2014. godine), na preporuku Komisije za javne nabavke broj: 09-14-3047-11-13/15 od 21.10.2015. godine, imenovana Rješenjem broj: 03-05-1-4818/15 od 28.07.2015. godine, u postupku javne nabavke - Usluga funkcionalne podrške za aplikaciju za trezorsko poslovanje (ISFU), Federalna ministrica financija – finansija
d o n o s i

ODLUKU

o poništenju postupka javne nabavke

Član 1.

Poništava se postupak javne nabavke:

Usluga funkcionalne podrške za aplikaciju za trezorsko poslovanje (ISFU)
iz razloga: „Nijedna od primljenih ponuda nije prihvatljiva“, član 69. stav 2. tačka d) Zakona o javnim nabavkama Bosne i Hercegovine ("Službeni glasnik BiH", broj 39/14 od 19.05.2014. godine).

Član 2.

Za izvršenje ove odluke zadužuje se i ovlašćuje Komisija za javne nabavke formirane Rješenjem broj: 03-05-1-4818/15 od 28.07.2015. godine.

Član 3.

Ova odluka objavit će se na web-stranici www.fmf.gov.ba istovremeno s upućivanjem odluke ponuđačima koji su sudjelovali u postupku javne nabavke, u skladu s članom 70. stav 6. Zakona o javnim nabavkama Bosne i Hercegovine.

Član 4.

Ova Odluka stupa na snagu danom donošenja i dostavlja se svim ponuđačima koji su sudjelovali u postupku javne nabavke, u skladu s članom 71. stav. 2. Zakona o javnim nabavkama Bosne i Hercegovine.

MINISTRICA

Jelka Milićević

Obrazloženje

Postupak javne nabavke, Usluga funkcionalne podrške za aplikaciju za trezorsko poslovanje (ISFU) pokrenut je Odlukom o pokretanju nabavke roba, usluga i radova broj: 09-14-2309-3/15 od 13.07.2015. godine.

Javna nabavka je provedena putem konkurentskog zahtjeva za dostavu ponuda.

Procijenjena ukupna vrijednost ugovora, bez PDV-a u KM je 40.000,00 KM.

Obavještenje o nabavci broj: 810-7-2-34-3-12/15 objavljeno je na Portalu javnih nabavki dana 29.09.2015. godine.

Komisija za javnu nabavku imenovana je Rješenjem broj: 03-05-1-4818/15 od 28.07.2015. godine

Komisija za javnu nabavku donijela je preporuku o poništenju postupka javne nabavke - Usluga funkcionalne podrške za aplikaciju za trezorsko poslovanje (ISFU) broj: 09-14-3047-11-13/15 od 21.10.2015. godine.

Komisija za javnu nabavku dostavila je dana 21.10.2015. godine izvještaj o radu broj: 09-14-3047-11-14/15 od 21.10.2015 godine, Zapisnik o ocjeni ponuda broj: 09-14-3047-11-12/15 od 21.10.2015. godine i Preporuku o izboru najpovoljnijeg ponuđača broj: 09-14-3047-11-13/15 od 21.10.2015 godine, u postupku javne nabavke Usluga funkcionalne podrške za aplikaciju za trezorsko poslovanje (ISFU).

U postupku po izvještaju o radu je utvrđeno je da je Komisija za javnu nabavku blagovremeno i pravilno izvršila otvaranje zaprimljenih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda dva (2): „Ping“ d.o.o. Sarajevo i „CORE“ d.o.o. Sarajevo
- da su blagovremeno zaprimljene,
- da su pristigle ponude kompletne (sa svom traženom dokumentacijom),
- **da su ponude oba ponuđača u pogledu cijene ponude za ugovor identične, odnosno u iznosu od po 20.000,00 KM bez PDV-a.**

U postupku ocjene provedenog postupka javne nabavke, rukovodilac ugovornog organa nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke.

Nadalje, u postupku je utvrđeno da je Komisija u svemu pravilno postupila te da je preporuka o poništenju postupka javne nabavke data u skladu sa Zakonom o javnim nabavkama, podzakonskim i internim aktima i tenderskom dokumentacijom.

Naime, u postupku predmetne javne nabavke nesumnjivo je utvrđeno da su **ponude oba ponuđača u pogledu cijene ponude za ugovor identične**, čime su se stekli uvjeti za poništenje postupka javne nabavke.

Iz navedenih razloga, primjenom člana 69. stav 2. tačka d) Zakona o javnim nabavkama Bosne i Hercegovine, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba najkasnije u roku od 10 (deset) dana od dana prijema ove odluke.

DOSTAVITI:

1. Svim ponuđačima
2. Sektoru za ekonomsko – financijske i zajedničke poslove
3. a/a.